

Na osnovu člana 100. stava (3) Zakona o javnim nabavkama BiH („Službeni glasnik BiH“, broj 39/14), Rješenja Ureda za razmatranje žalbi broj: JN2-03-07-1-978-8/19 od 16.05.2019. i preporuke Komisije za nabavke od 23.05.2019. u postupku nabavke usluga posredovanja u kupovini avio karata i organizovanje hotelskog smještaja u inostranstvu za potrebe Turističke zajednice Kantona Sarajevo, predsjednik Povjerenstva Turističke zajednice Kantona Sarajevo, donosi

O D L U K U

o stavljanju van snage Odluke o izboru najpovoljnijeg ponuđača broj 455/19 od 09.04.2019., i poništenju postupka javne nabavke

Član 1.

Ovom Odlukom stavlja se van snage Odluka o izboru najpovoljnijeg ponuđača broj: 455/19 od 09.04.2019.godine, donesena u postupku nabavke usluga posredovanja u kupovini avio karata i organizovanje hotelskog smještaja u inostranstvu za potrebe Turističke zajednice Kantona Sarajevo, shodno Rješenju Ureda za razmatranje žalbi broj: JN2-03-07-1-978-8/19 od 16.05.2019.

Član 2.

(1) Poništava se postupak nabavke usluga posredovanja u kupovini avio karata i organizovanje hotelskog smještaja u inostranstvu za potrebe Turističke zajednice Kantona Sarajevo, za koje je objavljeno obavještenje broj: 19294-1-2-14-3-4/19 od 06.03.2019.

(2) Postupak se poništava u skladu sa članom 69. stava (2) tačke d) Zakona o javnim nabavkama BiH (nijedna od primljenih ponuda nije prihvatljiva).

Član 3.

(1) Ova Odluka stupa na snagu danom donošenja i dostavlja se svim učesnicima u predmetnom postupku javne nabavke.

(2) Danom stupanja ove Odluke na snagu prestaje da važi Odluka broj: 455/19 od 09.04.2019.

O b r a z l o ž e n j e

Postupak javne nabavke pokrenut je putem Otvorenog postupka. Obavještenje o nabavci objavljeno je na portalu AJN, broj obavještenja: 19294-1-2-14-3-4/19 dana 06.03.2019. godine. Blagovremeno su primljene ponude ponuđača: Centrotrans-eurolines dd, Mrkulić company d.o.o. i Relax tours d.o.o.

Komisija za nabavke, imenovana Odlukom broj: 589/18 od 24.10.2018. godine i izmjenom Odluke br.363/19 od 18.03.2019. godine izvršila je pregled i ocjenu predmetnih ponuda i uputila preporuku predsjedniku Povjerenstva Turističke zajednice KS za izbor najpovoljnijeg ponuđača, ponuđaču Mrkulić d.o.o.

Protiv navedene Odluke je blagovremeno izjavio Žalbu ponuđač Centrotrans dd Sarajevo, učesnik u predmetnom postupku, tražeći da se ponuda ponuđača Mrkulić company d.o.o., eliminiše i donese odluka na osnovu pravilno utvrđenog činjeničnog stanja.

U Žalbi Žalitelj ističe da ponuda ponuđača Mrkulić Company d.o.o. nije pripremljena u skladu sa zahtjevima iz tenderske dokumentacije, odnosno da obrazac za ponudu kao i obrazac za cijenu ponude nije popunjen potpuno, te da cijena ponude nije napisana slovima.

Dalje, Izjava o ispunjenosti uslova iz tačke 3.2. tenderske dokumentacije (tehnička i profesionalna sposobnost) Žalitelj smatra da ista nije popunjena u cjelosti i da ne sadrži sve tražene elemente, te da je ponuđač Mrkulić company d.o.o. propustio da popuni dio Izjave u stavu 3., i da se ova Izjava ne može smatrati prihvatljivom.

Zatim, prijedlog okvirnog sporazuma nije sačinjen u skladu sa uslovima iz tenderske dokumentacije. Uvidom u dostavljenu ponudu Mrkulić Company d.o.o. Sarajevo, ponuđač nije postupio u skladu sa zahtjevima iz tenderske dokumentacije. Ponuđač isti nije uredno popunio na način da u Poglavlju I,

pod naslovom „PREDMET SPORAZUMA“ u članu 1. nije naveden „broj i datum“ tenderske dokumentacije kao niti „broj i datum“ ponude Izvršioca. Ponuđač je na zadnjoj stranici prijedloga okvirnog sporazuma propustio napisati i „broj“ ispod potpisa i datuma.

Ugovorni organ postupajući po Žalbi žalitelja Centrotrans dd Sarajevo, a nakon izjašnjenja na žalbu, u skladu sa članom 100. Zakona o javnim nabavkama BiH („Službeni glasnik BiH“, broj 39/14), je istu proslijedio Uredu za razmatranje žalbi, filijala Mostar, na dalje odlučivanje.

Ured za razmatranje žalbi je Rješenjem broj: JN2-03-07-1-978-8/19 od 16.05.2019. usvojio Žalbu žalitelja Centrotrans-eurolines dd Sarajevo kao djelimično osnovanu, odnosno osnovanu u dijelu koji se odnosi na popunjavanje cijene ponude slovima, te predmet vratio ugovornom organu na ponovno odlučivanje.

U skladu sa prethodno navedenim Komisija za nabavke imenovana Odlukom broj: 589/18 od 24.10.2018. godine i izmjenom Odluke br.363/19 od 18.03.2019. godine izvršila je ponovni pregled i ocjenu predmetnih ponuda (Zapisnik o pregledu i ocjeni ponuda od 23.05.2019. godine je u prilogu ove Odluke) i uputila preporuku predsjedniku Povjerenstva Turističke zajednice KS za poništenje postupka shodno članu 69. stava (2) tačke d) Zakona o javnim nabavkama BiH obzirom da nijedna od primljenih ponuda nije prihvatljiva.

U skladu s ovlaštenjem citirane odredbe, te razlozima navedenim u obrazloženju, odlučeno je kao u dispozitivu ove Odluke.

Pouka o pravnom lijeku

Protiv ove Odluke može se uložiti Žalba URŽ putem ugovornog organa u pisanoj formi u 3 (tri) primjerka neposredno, elektronskim putem ili preporučeno poštanskom pošiljkom u roku od deset dana od dana prijema ove Odluke.

Broj: 652119
Datum: 24.05.2019.

Predsjednik Povjerenstva Turističke zajednice KS

MP

Nermin Muzur

Dostavljeno:

- ponuđačima u predmetnom postupku;
- web portal ugovornog organa
- a/a.

ID broj: 4202315720008 žiro račun: 154-180-20082810-42 Intesa SanPaolo banka, Sarajevo